



**REPÚBLICA DEMOCRÁTICA DE TIMOR-LESTE**  
**SECRETARIA DE ESTADO PARA A PROMOÇÃO DA IGUALDADE**  
**GABINETE DA SECRETÁRIA DE ESTADO**

---

Diskursu Sekretária Estadu Promosaun Igualdade

S.E. Sra. Idelta Maria Rodrigues

Iha Okaziaun Lansamentu Website SEPI

[WWW.SEPI.GOV.TL](http://WWW.SEPI.GOV.TL)

Hotel Timor, 26 Jullu 2012

Tuku 09:00 to'o ramata

---

S.E. Sekretáriu Estadu Política Enerjética, Sr Avelino Coelho representa Primeiru Ministru Interinu  
S.E. Ministra Solidariedade Sosiál, Sra Maria Domingas Alves  
Distinta Membru Parlamentu Nasionál, Sra. Bemvinda Rodrigues  
Korpu Diplomátiku  
Prezidente Grupu Traballu Jéneru sira  
NGO Nasionál no Internasionál  
Reprezentante UNMIT, Paz y Desarrollo, AECID no  
Radio Komunidade husi distritu 13  
Distintu Konvidade sira  
Distinguished Guests  
Señora no Señor sira

Liu husi oportunitade ida ne'e hau hakarak espresa hau nia apresiasaun sinsera bá komisaun organizadóra tanba organiza ona eventu importante ida ne'e.

Depoizde tinan 10 aniversáriu restaurasaun independénsia Timor-Leste, progresu signifikativu no resultadu tanjível (bele haré ho matan) iha promosaun igualdade jéneru iha Timor-Leste, alkansa ona.

Ita nia konstituisaun garante igualdade entre mane no fetu. Tuir mai, Timor-Leste mós ratifika konvensaun direitu umánu internasionál ne'ebé importante hanesan CEDAW (Kovensan Eliminasan Forma Oin-Oin Diskriminasaun kontra Fetu).

Ita nia governu rekoñese importánsia no fundamentál partisipasaun fetu iha prosesu dezvoltamentu nasaun. Ita nia planu estratéjiku hakarak atu Timor-Leste 2011 – 2030 inklui vizaun ida katak iha 2030 ita bele estabelese sosiedade ida ne'ebé dignidade no direitu fetu nian ema valoriza no promove haktuir lei no kultura. Objétivu dezvoltamentu milénium husi ONU mós rekoñese igualdade poder entre fetu no mane.

SEPI iha planu estratéjiku 2010 – 2015 ho objétivu katak SEPI sai nudar katalizadora, defensora no ajénsia supervisora iha sistema governativa Timor-Leste. Em breve, atu asegura katak kestaun jéneru tenke inkorpora iha prosesu dezvoltamentu hotu nasaun nian.

Susesu ida tan ita alkansa ona mak Díli Kompromisu ne'ebé Parlamentu Nasionál. Governu, Igreja no Sociedade Sivil asina hodi compromete a'an promove igualdade jéneru. Depoisde eleisaun parlamentár tinan ne'e, persentajen fetu sae a'as tebes iha Parlamentu no atinje 31%.

Ho aprovasaun Lei Kontra Violénsia Doméstika hatudu momós katak wainhira ema ida halo violénsia doméstika, autór ne'e komete krime públiku no punível.

Eziste ona Plataforma Fetu iha Política 2012 – 2017 asina husi SEPI, Organizasaun Fetu no Fetu husi Partidu Polítiku sira.

Tuir mai, Governu Timor-Leste fó sai ona rezolusaun tolu atu:

1. Asegura integrasaun perspetiva jéneru wainhira desenvolve estratéjia, política, programa, lejislasaun no orsamentu
2. Establese ona Pontu Fokál Jéneru ne'ebé ikus mai transforma bá Grupu Traballu Jéneru iha ministériu no sekretáriu estadu hotu no mós iha nível distritu lidera husi funsióariu seniór liu, mak Diretór(a) Jerál.
3. Kria estratéjia foun hamutuk ho ministériu no sekretáriu estadu sira atu implementa Planu Asaun Nasionál kona-ba violénsia bazeia bá jéneru.

Husi Parlamentu Nasionál adopta ona rezolusaun ida tan hodi apoia abordajen interada jéneru no orsamentu sensível bá jéneru.

Ohin hau ofisalmente lansa website SEPI nian – hatudu ami prezensa online bá mundu internasionál. Ida ne'e sai nudar konkista istória, apezarde, depois kuaze tinan lima ezisténsia, SEPI finalmente iha nia website própria.

Iha mundu agora internet kada vez maiz sai feramenta indispensável para transmisaun no interasaun ho públiku mundiál, SEPI senti nesesidade atu verdadeiramente desempeña nia funsaun liu husi meu komunikasaun ida ne'e. Website refere kontén notísia, folhetu, kartaz, vídeo, palestra no publikasaun relevante seluk relaciona ho traballu SEPI nian. Tétum no Inglés mak língua prinsipál utiliza iha website refere.

SEPI hato'o gratidaun bá assisténsia finanseira jeneroza husi Paz y Desarrollo no AECID (***Agencia Española de Cooperación Internacional para el Desarrollo***) bá assisténsia téknika liu husi treinamentu prátiiku bá funsionáriu SEPI no dezenvolvimentu inisál bá website refere.

Koinside ho lansamentu website refere, SEPI sei apresenta lista kompletu naran Grupu Traballu Jéneru Timor-Leste laran tomak, sertifikadu apresiasaun bá Rádiu Komunitária husi distritu 13, Relatóriu Tinan Lima (5) abranje 2007 to'o 2012, Kompilasaun Diskursu bá tinan lima nian no apresentasaun vídeo servisu SEPI nian durante tinan lima nia laran.

Ikus liu, hau hato'o apresiasaun bá radio comunidade husi distrito 13 bá kontribuisaun bá diseminaun informasaun kona-ba kestaun fetu no violénsia doméstika.

Obrigada.